



ЗООНОЗЫН ӨВЧИН СУДЛАЛЫН ҮНДЭСНИЙ ТӨВ

Зоонозын халдварт өвчний долоо хоног тутмын мэдээлэл

Дугаар №23



2019 оны 7-р сарын 29-ээс 8-р сарын 02

НЭГ. ТОХИОЛДОЛД СУУРИЛСАН ТАНДАЛТЫН МЭДЭЭ

Улсын хэмжээнд 2019 оны 8 дугаар сарын 02-ны өдрийн байдлаар ЗӨСҮТ-д зоонозын халдварын хүний өвчлөлийн сэжигтэй байж болзошгүй нийт **861** яаралтай дуудлагыг хүлээн авсан байна. Эдгээрийн 104(12.1%) галзуугийн эрсдэлд өртсөн, 737(85.6%) хачигт халдвар, 5(0.6%) боом, 7(0.8%) тарваган тахал, 2(0.2%) хумхаа, 1(0.1%) ям, 2(0.2%) денги, 3(0.3%) бэтэг өвчний сэжигтэй тохиолдол тус тус бүртгэгдсэн байна.

1.1. Галзуу өвчний эрсдэлд өртсөн тохиолдол:



Баянхонгор, Булган, Говь-Алтай, Дорноговь, Дундговь, Завхан, Орхон, Өвөрхангай, Өмнөговь, Сэлэнгэ, Төв, Увс, Ховд, Хөвсгөл, Хэнтий аймгийн 22 сум, нийслэлийн 4 дүүргээс галзуу өвчний эрсдэлд өртсөн нийт 104 тохиолдол бүртгэгдсэн нь өмнөх оны мөн үеэс 6%-иар илүү байна. Эпидемиологийн 30 дугаар долоо хоногтой харьцуулахад 8 тохиолдлоор буурсан үзүүлэлттэй байна.



Галзуу өвчний сэжигтэй зэрлэг, мал амьтанд уруулж, ноцуулан, шүлсдүүлсэн хүмүүсийн тохиолдлыг эх уурхайгаар нь авч үзвэл: эзэнтэй нохойд (39.4%), чононд (18.3%), эзэнгүй нохойд (14.4%), үнэгэнд (8.7%), үхэрт (7.7%), мануулд (2.9%), мууранд (1.9%), тэмээнд (1.0%) нь уруулж, ноцуулж вакцин, ийлдэс эмчилгээнд хамрагдсан байна.

1.2 Хачгаар дамжих халдварт өвчний сэжигтэй тохиолдол:

Архангай, Баянхонгор, Булган, Баян-Өлгий, Дорнод, Дундговь, Дорноговь, Дархан-Уул, Говьсүмбэр, Говь-Алтай, Өмнөговь, Өвөрхангай, Ховд, Хэнтий, Хөвсгөл, Завхан, Сэлэнгэ, Төв, Увс, Орхон, Сүхбаатар аймгийн 116 сум, нийслэлийн 7 дүүрэгт хачгаар дамжих халдварын 737 сэжигтэй тохиолдол бүртгэгдсэн нь өмнөх оны мөн үеэс 26.8%-иар буурсан байна. Эпидемиологийн 30 дугаар долоо хоногтой харьцуулахад адил үзүүлэлттэй байна.



2019 оны 8 дугаар сарын 02-ны өдрийн байдлаар ХР-ын 600 сэжигтэй тохиолдлын 118 (17.7%), ХБ-ын 68 сэжигтэй тохиолдлын 13 (25.5%), ХЭ-ын 69 сэжигтэй тохиолдол 16 (23.2%) тархвар судлал, эмнэлзүй, лабораторийн шинжилгээгээр онош батлагдсан байна.

1.3 Тарваган тахлын хүний өвчлөлийн сэжигтэй тохиолдол:

2019 оны 8 дугаар сарын 01-нд Хөвсгөл аймгийн Цэцэрлэг сумаас тарваган тахлын хүний өвчлөлийн сэжигтэй 1 тохиолдол мэдээлэгдсэн. Тархвар судлал, эмнэлзүйн шинж тэмдэг, лабораторийн шинжилгээгээр онош үгүйсгэгдсэн.

1.4 Тарваган тахлын дархлаажуулалтын хамралт:

Улсын хэмжээнд тарваган тахлын дархлаажуулалтад 17 аймаг 9 дүүргийн 30654 хүнийг хамруулж, 97%-ийн хамралттай байна.

1.5 Мэрэгч амьтны дуудлага:

2019 оны 8 дугаар сарын 02-ны өдрийн байдлаар нийслэлийн 4 дүүргийн (БЗД, БГД, СХД, СБД) хэмжээнд нийт 40 удаагийн амьтны дуудлаганд үйлчилж, хураагдсан сорьц материалыг ЗӨСҮТ-ийн лабораторид шинжлэхэд тарваган тахал түүнтэй хам тохиолдох өвчин үүсгэгч илрээгүй байна.


Энэ долоо хоногт нийслэлийн БЗД, СХД-ээс ирүүлсэн мэрэгч амьтны (тарвага) дуудлаганд үйлчилсэн. Сорьцод онош тодруулахаар лабораторийн шинжилгээ хийж байна.

ХОЁР. ТУХАЙН 7 ХОНОГТ БҮРТГЭГДСЭН ЗООНОЗЫН ШАЛТГААНТ ҮЙЛ ЯВДЛЫН МЭДЭЭ


Олон улсад:

Эбола вируст халдвар:

2019 оны 7 дугаар сарын 25-ны өдрийн байдлаар Бүгд Найрамдах Ардчилсан Конго улсад Эбола вируст халдварын сэжигтэй 2612 тохиолдол бүртгэгдсэнээс 1756 (67%) нь нас барсан. Нийт тохиолдлын 1470 (56%) нь эмэгтэйчүүд, 744 (29%) нь 18-аас доош насны хүүхдүүд эзэлж байна.



Хүснэгт 1. Эпидемиологийн долоо хоногоор




Зураг 1. Эбола вирус халдварын тархалт, БНАК улс

Эх сурвалж: ДЭМБ

Африкийн гахайн мялзан өвчин:

Унгар улсын Мал, амьтны эрүүл мэндийн газрын мэдээгээр 2019 оны 7 дугаар сарын 24-нд Хэвэйс хотын Вэйрфелит тосгоны ойд африкийн гахайн мялзан өвчин бүртгэгдэж 1 зэрлэг гахай өвчилж үхсэн байна.

Дээрхи тохиолдол нь ДМАЭМБ-ын мал, амьтны өвчлөлийн 2019 оны 7 дугаар сарын 29-ний өдрийн мэдээнд нийтлэгдсэн байна.




Эх сурвалж: ДМАЭМБ

Шувууны томуугийн H5N2 вирус халдвар:

БНХАУ-ын Мал, амьтны эрүүл мэндийн газрын мэдээгээр 2019 оны 7 дугаар сарын 15-нд Юньлинь мужийн шувууны аж ахуйд шувууны томуугийн H5N2 вирус халдварын дэгдэлт бүртгэгдэж 290 шувуу өвчилж үхэн 22519 шувууг устгасан байна.

Дээрхи тохиолдол нь ДМАЭМБ-ын мал, амьтны өвчлөлийн 2019 оны 7 дугаар сарын 29-ний өдрийн мэдээнд нийтлэгдсэн байна.



Эх сурвалж: ДМАЭМБ

Кувейт улсын Мал, амьтны эрүүл мэндийн газрын мэдээгээр 2019 оны 7 дугаар сарын 09-нд Ал Ахмади тосгоны аж ахуйд адууны сахуу өвчин бүртгэгдэж 3 адууг устгалд оруулсан байна.

Map of the Al-Jahra area in Kuwait, showing military and police installations. The map includes labels for various locations such as Al-Jahra, Al-Furaytis, Al-Ahmad, and Al-Wafrah. It also shows the Persian Gulf to the east and the Arabian Peninsula to the south. A legend indicates that red symbols represent continuing domestic information and white symbols represent no information.

ЗӨСҮТ-ийн Шуурхай удирдлагын нэгж
nczd.eop@gmail.com
eop@nczd.gov.mn